

"মিষ্টি বাচ্চারা, নিজের উন্নতির জন্য অমৃতবেলায় উঠে বাবাকে স্মরণ করো, উপার্জন করার জন্য প্রাতঃকাল সবচেয়ে ভালো"

প্রশ্নঃ - সদা নিরাপদ এবং অক্ষতদেহে থাকার আধার কি ?

উত্তরঃ - বাবার শ্রীমৎ তোমাদের নিরাপদ থাকতে সমর্থ বানায় ; তোমাদের কখনো কোনো দুঃখ বা সমস্যা হয় না । তোমরা বাচ্চারা এত সৌভাগ্যবান হও যে কখনো কোনরকম আঘাত তোমাদের লাগতে পারে না । তোমাদের শরীর রোগমুক্ত হয়ে যাবে অর্থাৎ তোমরা নিরোগী কায়া লাভ করবে । তোমরা নিজেদের ভাগ্যের মহিমা গাইতে থাকো । যারা উঠতে-বসতে বাবাকে স্মরণ করে, তারা ভাগ্যবান বাচ্চা, সদা নিরাপদ এবং অক্ষতদেহ থাকে ।

গীতঃ - হে রাতের পথিক ! হযো না ক্লান্ত ! ওই দেখা যায় উষার আলো ...

ওম্ শান্তি । মিষ্টি মিষ্টি পুরুষার্থী বাচ্চারা, তোমরা নিজেরা এই গীতের অর্থ জানো, তোমাদের পুরুষার্থের নস্বরক্রম অনুসারে । যারা এই যাত্রায় উপস্থিত তারাই একমাত্র এই গীতের যথার্থ অর্থ বুঝতে পারে । এই যাত্রা রাতের, আর শারীরিক যাত্রা দিনের । যখন তীর্থযাত্রীরা অমরনাথ বদ্রিনাথে যায়, তারা দিনের বেলায় সফর করে রাতে ঘুমিয়ে পড়ে, সেখানে তোমরা বাচ্চারা সফর করো রাতে । তোমাদের শরীরের জীবন নির্বাহের জন্য তোমাদের কাজ করতে হয় । তোমরা চাকরীতে যাও আর মাতারা ঘর-গৃহস্থী সামলায় । সবচেয়ে উন্নতি হয় রাতে, যখন সব মানুষ শুয়ে থাকে । সেই সময় তোমাদের যাত্রা খুব ভালো হতে পারে । ভক্তগণও উষাকালের অমৃতবেলায় স্মরণে থাকে ।

বাচ্চারা, তোমরা যদি উন্নতি করতে চাও তো তোমাদের প্রতি বাবার নির্দেশ, নিদ্রাজিৎ হও । পাঁচ হাজার বছর আগেও আমি বলেছিলাম । যে ভাবেই হোক, তাড়াতাড়ি শুয়ে পড়ো । প্রবাদ আছে, তাড়াতাড়ি শোও, তাড়াতাড়ি জাগো - এই গুণ মানুষকে মহান বানায় । চিরকাল তোমরা এত বিত্তবান হও যাতে তোমাদের কখনো অর্থের চিন্তা করতে হয় না । শিবালয়ে তোমরা ২১ জন্মের জন্য উত্তরাধিকার লাভ করো । এখানে তোমরা জন্মের পর জন্ম পুরুষার্থ করো, এই সময়ের পুরুষার্থের প্রারম্ভ ২১ জন্মের জন্য দীর্ঘস্থায়ী হয় । ওয়াল্ডার ! তাই না ! এইরকম পুরুষার্থ করার উৎসাহ কেউ দিতে পারেনা । অবিনাশী বাবা অবিনাশী পুরুষার্থ করান । পয়সার জন্য এখানে কি না করে, বাবা বাচ্চাকে, বাচ্চা বাবাকে মেরেও ফেলে ।

তোমাদের এখন অবিনাশী বাবার থেকে অবিনাশী উত্তরাধিকার নিতে হবে, সুতরাং, অবিনাশী বাবা আর উত্তরাধিকার স্মরণ করতে হবে । আর কোনও অসুবিধা নেই, শুধু দু'অক্ষর । যাকে বলা হয় মহামন্ত্র । ব্যস! মাত্র এই দুই অক্ষর স্মরণ করলে তোমাদের রাজটিকা প্রাপ্ত হয় । এই স্মরণেই শক্তি । এটা নির্ভর করে কতটা তুমি স্মরণ করছ এবং তোমার কতটা জ্ঞান আর যোগ আছে । এখানে শাস্ত্রাদির জ্ঞান - বিষয়ক কিছু নেই । তোমরা যদি কাউকে দুই অক্ষর স্মরণ করতে বলো তো তারা বলবে তাদের সময় নেই । তারা বলে, স্মরণ করতে পারেনা, মুহূর্মুহু ভুলে যায়, সেইজন্য তারা দুই অক্ষরের যাত্রাও করতে পারে না । তোমরা গীত, কবিতা, ডায়লগ বানাও এবং তারপর সেগুলো স্মরণ করো । বাস্তবে, এখানে সেগুলোর দরকার নেই । এখানে তোমাদের নীরব থাকতে হবে । তোমরা কি বীজ আর ঝাড় বুঝতে পারোনা ? বীজকে যদি দৃঢ়মুষ্টিতে ধারণ করলে অর্থাৎ বীজের তাৎপর্য

উপলব্ধি করলে সমস্ত ঝাড় তোমার সামনে প্রতীয়মান হবে। এর মধ্যেই চার যুগ আর চার বর্গ আছে। এই সমস্ত কিছু বুদ্ধিতে ধারণ করতে বেশি সময় লাগে না। এক সেকেন্ডে তোমরা স্বর্গের বাদশাহী লাভ করো। শুধুমাত্র স্মরণে থাকতে হবে। সেকেন্ডে সাক্ষাৎকার করানো হয়। এটা এমন যেন সেই মুহূর্তে তোমরা স্বর্গে তথা কৃষ্ণপুরীতে অধিষ্ঠিত। তোমাদের শুধু দুটো জিনিস স্মরণ করতে হবে, এক তো বাবাকে স্মরণ করা আর দ্বিতীয় হলো, এই নলেজ এত শ্রেষ্ঠ যা মানুষ থেকে দেবতা হওয়ার। দেবতারা পবিত্র হন। নলেজ সর্বদা ব্রহ্মচর্য স্থিতিতে পড়া হয়ে থাকে। পঠন-পাঠনের পর যখন তারা ঘর সামলানোর উপযুক্ত হয়ে যায়, একমাত্র তখনই বিবাহ করা যায়। ক্রিয়টর ঘরের সবার দেখভাল করবেন, এইজন্য নিজের রোজগার তো চাই, তাই না! সূতরাং, ব্রহ্মচর্য স্থিতিতে এই ধন উপার্জন করতে হবে। লোকে তো আজকাল ধনলোভী হয়ে গেছে, তাদের অল্পকিছু অর্থাগম হয় আর তারপর গিয়ে অন্য কোর্স করে। বাবা এখন বলছেন, বাচ্চারা, এই কোর্স খুব সহজ, শুধু শ্রীমৎ অনুসরণ করে রাতে জেগে প্র্যাকটিস করো। রাতে বুদ্ধির যাত্রা খুব সহজ আর অনেক সাহায্যও পাওয়া যায়। রাত দুটো তিনটের সময়কে অমৃতবেলা বলা হয়। প্রত্যুষকালে উঠে স্বদর্শন চক্র ঘোরাতে হবে। এই কাজ বুদ্ধির। বাবার নির্দেশ, নিরন্তর আমাকে স্মরণ করো, তবেই তোমাদের বিকর্ম বিনাশ হয়ে যাবে। নয়তো তোমরা সব সজনীদের আমি কিভাবে ঘরে নিয়ে যাবো? তোমরা সজনীর পতিত, সবার পাখা ভেঙে গেছে। এখন শুধু স্মরণ করো তো পবিত্র হয়ে যাবে। ঊষাকালে ওঠার প্রয়ত্ত করো। দিনে হয়তো তোমরা স্মরণে স্থিত নাও হতে পারো, রাতে পুরুষার্থ করা সহজ আর সাহায্য অনেক পাবে। মুখ্য বিষয় হলো স্মরণ। তোমরা জানো যে, তোমরা আত্মা। তোমাদের পরমপিতা পরমাত্মা পড়াচ্ছেন। পঠন-পাঠনের অভ্যাস তাঁর সাথেই করতে হবে। তিনি তোমাদের বাবা, সূতরাং তোমাদের তাঁরই হতে হবে। তোমরা জানো, তোমরা আত্মারা শিববাবার সাথে মিলিত হয়েছে। আত্মা বহুদিন যাবৎ পরমাত্মার থেকে দূরে থেকেছে, জীব আত্মারা এসে বাবার সাথে মিলিত হয়। সূতরাং, পরমাত্মাকেও জীব আত্মার মধ্যে আসতে হয়। তিনি সুপ্রিম আত্মা। আত্মা এবং পরমাত্মার রূপ এক। স্টারের মতো উভয়ই ঝিকমিক করে। আত্মার মধ্যে ৮৪ জন্মের পাট লিপিবদ্ধ আছে। বাবা বলেন, আমিও একজন অ্যাক্টর এবং ড্রামার বন্ধনে বেঁধে আছি। এই দুনিয়া জানেনা প্রতি কল্পের সঙ্গমযুগ ব্যতীত আমি কখনও আসতে পারিনা। যদিও নানাবিধ দুর্যোগ ইত্যাদি আসে, কিন্তু বাবা বলেন, আমি একমাত্র তখনই আসি যখন সবাই পতিত হয়ে যায়। আমিই নতুন দুনিয়ার রচয়িতা আর সেইজন্যই পতিত দুনিয়ায় আমার আসা। প্রথমে আত্মাই পতিত হয়। আত্মা জানে, সে প্রথমে পবিত্র ছিলো এখন সেই পতিত হয়েছে। এই শিক্ষা বা পঠন-পাঠন শুধুমাত্র তোমাদেরই জন্য। স্টুডেন্টরা, যারা টিচারের সামনে উপস্থিত থাকে তারাই এই শিক্ষা লাভ করতে পারে। একদম প্রথমে এই শিক্ষা তোমরা লাভ করো। পাঁচ বিকারকে জয় করো, যোগাঙ্গি দ্বারা সমস্ত বিকর্ম ভস্ম করো। এই বিষয়ই (বিকার) তোমাদের কবরস্থ করেছে, এটাকে পয়জন বলা হয়। জ্ঞান অমৃতের দ্বারা তোমরা পবিত্র হয়ে যাও।

বাবা এবং উত্তরাধিকার স্মরণ করা তো খুব সহজ। বহু কন্যারা বলে, বাবা জ্ঞান ধারণ করতে পারিনা, বড় দিদিদের মতো বোঝাতে পারিনা। বাবা বলেন, বাচ্চারা, এটা অনেক কর্মের হিসেবনিকেশ। কেউ কেউ তো ২৫-৩০ বছর থেকেও ধারণা করতে পারেনা। তোমরা সব আত্মাদের বলা - আমাদের বাবা হলেন পরমাত্মা এবং তিনি স্বর্গের রচয়িতা। বাবা তোমাদের স্বর্গের উত্তরাধিকার দিতে এসেছেন এবং সেইজন্য তোমরা বাবাকে স্মরণ তো করো। বাচ্চাদেরকেও তোমাদের দক্ষ বানাতে হবে। তোমরা সব বাচ্চাদের প্রথমে ক্ষমাশীল হতে হবে, নিজের বাচ্চাদের প্রতি। তোমরা

বাচ্চারা বুঝতে পারো যে তোমরা এই সময় মোস্ট বিলাভেড পরমপিতা পরমাত্মার সামনে বসে আছে । কল্প পূর্বে আমরাও নিরাকার বাবার থেকে স্বর্গের বেহদ উত্তরাধিকার নিয়েছিলাম । বাবা বলেন, এই শরীর আমাকে লোনে নিতে হয় । ভাড়া করা দেহের মধ্যে তিনি বসে আছেন । তাঁর নিজের শরীর না থাকায় তাঁকে এই দেহ ভাড়া করতেই হয় । এই সেই রথ যাতে প্রতি কল্পে তিনি রথী হন । এই রথের রথী তোমরা দেখেছো তো, তাই না ! আগে তো গীতা পড়ে কিছুই বুঝতে পারতে না । তারা ঘোড়ার রথে বসে থাকা অর্জুনকে দেখিয়েছে । তোমাদের বাবাই রথী । তিনি বাচ্চাদের বলেন, আমাকে স্মরণ করো, তোমাদের বাবাকে এবং চাট রাখো । এমন পাত্রকে (সাজনকে ) যিনি তোমাদের ২১ জন্মের সুখ দেন তাঁকে কেন স্মরণ করবে না ? যাই হোক, এই একাধিপতি গুপ্ত । এখন বাবা বলেন, নিজেকে আত্মা নিশ্চয় করে তারপর বাবার শ্রীমং অনুসারে চলতে হবে আর এতেই মায়া তোমাদের খুব হয়রান করে । সেও কিছু কম ওস্তাদ নয়, খুব ভালো বাচ্চাদেরও সে জয় করে নেয় । বাবা তোমাদের অর্থাৎ আত্মাদের স্বর্গের মালিক বানাবেন আর মায়া চন্ডালের জন্মে নিয়ে যাবে, কারণ তোমরা বাবার শ্রীমং ছেড়ে দাও । এখানে, তোমরা বাচ্চারা জানো যে ভগবান তোমাদের পড়ান । তোমরা গডলি স্টুডেন্ট, তাই না ! তা সত্ত্বেও তোমরা অন্য কোর্স যদি আরম্ভ করো তখনও তোমরা টিচারকে স্মরণ করবে । বাবা বলেন, তোমরা গার্হস্থ্য জীবনে থাকো, কিন্তু তার সাথে এই কোর্সও করো যা তোমাদের সদা সুখী বানায় । তোমাদের আমি এমন অনন্ত ধনসম্পদ দিই যাতে তোমাদের ২১ জন্ম দুঃখ অনুভব করতে হবে না । সমগ্র দুনিয়ায় তোমাদের মতো বিচক্ষণ আর কেউ হয়না । প্রেসিডেন্ট ইত্যাদিগণের কতো মহিমা ! কিন্তু তোমরা হলে মোস্ট ওয়ান্ডারফুল, মহান ইনকগনীটো অথরিটি । তোমাদের মতো নলেজফুল এই দুনিয়ায় কেউ হতে পারেনা । এখন তোমরা বাচ্চারা জানো, ভারতকে স্বর্গ বানিয়ে তোমরা ২১ জন্মের জন্য স্বর্গের মালিক হও । জগৎ অস্থায়ী প্রাপ্তি কতো বড় । তিনিও এই মহামন্ত্র দেন, শিববাবাকে স্মরণ করো । বাবা সামনাসামনি বলেন, প্রিয় বাচ্চারা, আমাকে স্মরণ করো । এই যাত্রা ভুলোনা । টাইম ওয়েস্ট কোরোনা । এটা অনেক বড় উপার্জন । তোমাদের বুদ্ধিযোগ সেখানে যুক্ত হওয়া উচিত । আমরা শিববাবার সামনে । বাবার ঘরে এসেছি । তোমরা এখন হরিদ্বারে বসে আছো । হরি পরমাত্মা নিজেই বসে আছেন । সেখানে অর্থাৎ হরিদ্বারে তো জল এটা প্রকৃত হরিদ্বার । হর হর অর্থাৎ দুঃখ হরণকারী । এখানে সেই দুঃখহর্তা সুখকর্তা তোমাদের সামনে বসে আছেন । ভক্তগণ গিয়ে গঙ্গাতীরে বসে । তারা বিশ্বাস করে তারা গঙ্গাতীরে থাকলে, তারা মুখেও গঙ্গাজল পেয়ে যাবে, আর তাতেই তারা পবিত্র হবে । মারা যাচ্ছে এমন কাউকে মুখে গঙ্গাজল দেওয়া হয় খেতে । গঙ্গা তো পতিত পাবনী নয় । এক শিববাবাই পতিত পাবন । সবাইকে শিববাবার স্মরণ করতে হবে যাতে অন্ত মতি সো গতি হয়ে যায় অর্থাৎ অন্তের ভাবনাই তাদের লক্ষ্যে পৌঁছে দেবে । এমন নয় যে শেষকালে কেউ বসে বলবে, শিববাবাকে স্মরণ করো । অন্তে নিজেকেই শিববাবার স্মরণ করতে করতে দেহ ছাড়তে হবে । এখন আমাদের শিববাবার কাছে যেতে হবে, মুক্তিধামে । সত্যযুগকে বলা হয় জীবনমুক্তিধাম । ধাম অর্থাৎ বাসস্থান । নির্বাণধামে নিরাকার আত্মারা ব্রহ্ম তত্ত্বে তথা মুক্তিধামে থাকে । তোমরা হরির ঘরে বসে আছো । একমাত্র একাধিপতি দুঃখ হরণ করেন । এখন তোমরা বাচ্চারা শিববাবা এবং তাঁর সুইট হোম স্মরণ করো । বাবা তোমাদের নিজের ঘরে নিয়ে যেতে এসেছেন । এখন তোমাদের সুইট হোম স্মরণ করতে হবে । এখানে কেউ সুইট নয় ।

এখন বাবা বাচ্চাদের বলেন, বেহদের রাজস্ব নিতে চাইলে রাতে জেগে যাত্রা করো । আমি একমাত্র রাতের গভীর অন্ধকারে আসি, যখন ব্রহ্মার রাত সম্পূর্ণ হয়ে দিনের শুরু হতে হয় । বেহদ রাত এবং বেহদ দিনের সঙ্গমে আমি আসি । অতএব, তোমাদেরও নিদ্রাকে জয় করে রাতে স্মরণের অভ্যাসে

স্থিত হওয়া উচিত। উষাকালের ২-৩ টের সময়কে ব্রহ্ম মূর্তি বলা হয়ে থাকে। ব্রহ্মা দ্বারা বাবা শিক্ষা দেন। রাত জেগে আমাকে স্মরণ করলে তোমরা পারদর্শী হয়ে উঠবে। যদিও মায়া তোমাদের অনেক হযরান করবে তবুও তোমরা লাগাতার মেহনত করে যাও। এর সব মেহনত বুদ্ধির। উঠতে, বসতে, চলতে ফিরতে স্মরণে স্থিত হও। বাবা বলেন, হে রাতের পথিক ক্লান্ত হয়োনা। রাতে তোমরা মহা সুখানুভব করবে আর সেই নেশা সারাদিন ধরে চলবে। এক, বাবাকে স্মরণ করো, তারপর নিজের ভাগ্যের। সবার ভাগ্য খন্ডিত হয়ে আছে। তোমাদের ভাগ্য এখন জাগৃত হচ্ছে, সেখানে অন্যদের ভাগ্য ঘুমিয়ে আছে। যাদের বুদ্ধিযোগ এই সময় ধন উপার্জনে যুক্ত থাকে, ধরে নাও তাদের ভাগ্য শুয়ে আছে। তোমাদের প্রকৃত ভাগ্য জাগৃত হচ্ছে। পেটের জন্য বেশি খাওয়ার দরকার হয়না। ভীল যারা, তারা কি খায়? ভুট্টা ছোলার আটা মিশিয়ে তৈরি রুটি আর তার সাথে কাঁচালঙ্কা দিয়ে খেয়ে নেয়। এখানে তো তোমরা সবকিছু পেয়ে যাও। তোমাদের খুব সাধারণ থাকতে হবে। না বেশি ধনী আর না বেশি দরিদ্র। এখন বাবা বলেন, হে প্রিয় বাচ্চারা আমাকে স্মরণ করো। আমার আলোকরত্ন বাচ্চারা, আমি তোমাদের নয়নের ওপর বসিয়ে ফিরিয়ে নিয়ে যাই। একাধিপতির আশার দীপক বাচ্চাদের সবসময় অনেক ভালোবাসা দেওয়া হয়ে থাকে। শ্রীমৎ অনুসরণে তোমরা সদাসর্বদা নিরাপদ এবং অক্ষতদেহে থাকবে। নিরাপদ এবং অক্ষতদেহ হওয়ার অর্থ অতি গভীর। তোমাদের কোনো চোট লাগবে না, কোনো সমস্যা হবেনা। আমি তোমাদের এত নিরাপদ আর অক্ষতদেহ বানাই, তোমরা নিরোগী কায়া হয়ে থাকবে আর তোমাদের ওপর কালের (মৃত্যু) কোনো ক্ষমতা নেই। যদি খুব ভালোভাবে আমায় স্মরণ করো, তবে সহায়তা পাবে। পূর্ব কল্পে যারা পুরুষার্থ করে নিজের প্রারব্ধ বানিয়েছে, এখন তারা সাক্ষীদ্রষ্টা হয়ে দেখছে, এটা তাদের ইনশিয়র করে অর্থাৎ নিরাপদ করে। ভক্তিমার্গেও বাবা ইনশিয়রেন্স ম্যাগনেট। লোকে ঈশ্বরের নামে পলিসি (শাসন-প্রণালী) বার করে। তারা গরীবকে গুপ্তদান দেয়। কাউকে যদি বিবাহের আয়োজন করতে হয় তারা গুপ্তভাবে দিয়ে আসে। গুপ্তদানের ফল গুপ্তভাবে প্রাপ্ত হয়। শো করলে সেটার শক্তি অর্ধেক হয়ে যায়। ম্যাগনেট বাবাকে বলা হয়। তোমরা বাবার কাছে ইনশিয়র (বীমা) করো। যে যেমনভাবে ইনশিয়র করে তার সেইরকম ফল প্রাপ্ত হয়। পাপ করলে সেই অনুযায়ী দণ্ডপ্রাপ্ত হতে হয়। পুণ্য করলে তার জন্য ভালো ফল প্রাপ্ত হয়। সেই মানুষজন হদের ফিল্যানথ্রোপিষ্টস (জনহিতকারী.)। তারা তাদের রোজগার থেকে আট আনা বা চার আনা বার করতে পারে। এখন তোমাদের কমপ্লিট ফিল্যানথ্রোপিষ্ট হতে হবে অর্থাৎ সম্পূর্ণ দাতা হতে হবে। নিজেদের ফুল ইনশিয়র করে দাও। দেখ, মাম্মা তাঁর তন আর মন ইনশিয়র করেছেন। কন্যাদের কাছে ধন তো থাকেই না, আর সেইজন্য তাদের এই ব্যাপারে ভাবতেও হয়না। তারা তন-মন দ্বারা সেবা করে। এইজন্য কন্যারা খুব প্রিয় হয়। কন্যারা নম্বর ওয়ান হয়ে যায়। বাবা অধরকুমার ছিলেন। হ্যাঁ, কিছু কিছু কুমারও বার হয়, তারা বিবাহ করে দেখায় যে তারা পবিত্র থাকতে পারে। তাদের কতো সৌভাগ্য! তাদের সম্পূর্ণ সারেন্ডারও করতে হবে। তারা খুব ভালো পদ প্রাপ্ত করতে পারে। বাবা বোঝান, কর্মভোগের হিসেবনিকেশ এখানেই চুকিয়ে দিতে হবে। মাম্মা এবং বাবাকেও কর্মের ভোগ সহ্য করতে হয়। থেকে যাওয়া হিসেবনিকেশ এখানেই ইমার্জ হবে। এমন নয় যে আমি যখন বাবার হয়েছি, তবে বাবা কেন আমাকে রক্ষা করেন না? না, কর্মভোগ তো অবশ্যই এখানেই চুকাতে হবে। আচ্ছা!

মিষ্টি -মিষ্টি হারানিধি বাচ্চাদের প্রতি মাতাপিতা বাপদাদার স্মরণ-স্নেহ এবং গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ -

১) বুদ্ধিযোগ দ্বারা প্রকৃত যাত্রা করতে হবে। বিনাশী ধনের পিছনে নিজের ভাগ্যকে নষ্ট করোনা। প্রকৃত উপার্জন করতে হবে।

২) তন-মন-ধন দ্বারা পুরো ফিল্যানথ্রোপিস্ট (মহাদানী) হতে হবে। নিজের সবকিছু ২১ জন্মের জন্য ইনশিয়র করে দিতে হবে।

বরদানঃ - সর্ব যোগ্যতার দ্বারা নিজেকে ভ্যালুয়েবল বানিয়ে বেফিকর বাদশাহ ভব বাবা নিজে বাচ্চাদের অফার করেন, - বাচ্চারা যোগ্য রাইট হ্যান্ড হও, যোগ্য সেবাধারী হও। যারা যোগ্য হতে পারে তারা বেফিকর বাদশাহ হয়। স্কুল যোগ্যতাই হোক, বা জ্ঞানের যোগ্যতা, সেটা মানুষকে ভ্যালুয়েবল বানায়, যোগ্যতা না থাকলে ভ্যালুও থাকেনা। রুহানী সেবার যোগ্যতা সবচেয়ে বড়। এমন যোগ্য আত্মাদের কোনো কিছু প্রতিরোধ করতে পারে না। যোগ্য হওয়া অর্থাৎ আমার তো এক বাবা, ব্যস্! তোমার বুদ্ধিতে আর কোনো কিছু থাকতে দিওনা।

স্লোগানঃ - একরস স্থিতির অনুভব করতে হলে, এক বাবা দ্বারা সর্বরসের অনুভূতি করো।